

Bosna i Hercegovina  
Federacija Bosne i Hercegovine  
KANTON SARAJEVO  
MINISTARSTVO UNUTRAŠNJIH POSLOVA  
S A R A J E V O

Broj: 05-1-14-4-1680  
Sarajevo, 29.03.2019.godine

Na osnovu člana 22. st. (2) i (3) Zakona o izvršavanju Budžeta Kantona Sarajevo za 2019.godinu („Službene novine Kantona Sarajevo“, broj 6/19), člana 2. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, broj 33/11, 3/12-ispravka, 37/13, 16/14 i 6/17) te čl. 4. i 5. Pravilnika o procedurama i kriterijima za izbor korisnika sredstava tekućih grantova Ministarstva unutrašnjih poslova Kantona Sarajevo („Službene novine Kantona Sarajevo“ broj: 40/17), u cilju zakonitosti i transparentnosti trošenja budžetskih sredstava, Ministarstvo unutrašnjih poslova Kantona Sarajevo objavljuje

### **JAVNI POZIV**

**za finansiranje/sufinansiranje rada neprofitnih organizacija i udruženja sa područja Kantona Sarajevo iz sredstava Budžeta Kantona Sarajevo za 2019. godinu, razdjel Ministarstva unutrašnjih poslova Kantona Sarajevo**

#### **PREDMET JAVNOG POZIVA :**

Prikupljanje zahtjeva neprofitnih organizacija i udruženja, radi obezbjeđenja finansijske podrške iz sredstava Budžeta Kantona Sarajevo za 2019.godinu sa razdjela Ministarstva unutrašnjih poslova.

#### **PRAVO UČEŠĆA:**

Pravo učešća na Javnom pozivu imaju udruženja i fondacije (nevladine i neprofitne organizacije) registrovani na području Kantona Sarajevo koja za sredstva iz Budžeta apliciraju u svrhu finansiranja/sufinansiranja projekata koji su od interesa za građane Kantona Sarajevo ili doprinose razvoju, afirmaciji i provode se na području Kantona Sarajevo, a isti projekti se odnose na :

1. programe sportsko-rekreativnog i rehabilitacionog karaktera pripadnika MUP-a Kantona Sarajevo;
2. aktivnost i uključivanje što većeg broja lica sa invaliditetom u rad udruženja;
3. obilježavanje značajnih događaja, datuma i ličnosti iz perioda odbrambeno – oslobodilačkog rata 1992.-1995. na području Kantona;
4. aktivnost i uključivanje što većeg broja pripadnika nacionalnih manjina u rad udruženja,
5. projekti sigurnosti u saobraćaju (edukacija u bezbjednosti u saobraćaju i kulturi u saobraćaju);
6. projekti usmjereni na promociju i unapređenje sprečavanja i suzbijanja protivpravnih ponašanja.

## **OPĆI KRITERIJI:**

1. registracija udruženja/fondacije na području Kantona Sarajevo;
2. program rada za 2019. godinu sa obrazloženjem;
3. finansijski plan za 2019.godinu;
4. finansijski izvještaj za prethodnu godinu;
5. organizovanost i broj članova udruženja/fondacije;
6. rezultati i uspjesi na kantonalnom, entitetskom, državnom i međunarodnom nivou;
7. ekonomska opravdanost projekta koje udruženje predlaže i sprovodi;

## **POSEBNI KRITERIJI:**

1. kvalitet programa/projekta, potvrđen status i značaj;
2. broj sudionika u programu/projektu i širina prostora na kojem udruženje ili organizacija djeluje;
3. projekti zbrinjavanja i pomoći porodicama poginulih pripadnika MUP-a KS;
4. odgojno društveni značaj;
5. tradicionalnost, ugled i interes javnosti;
6. programi sportsko – rekreativnog i rehabilitacionog karaktera pripadnika MUP-a KS;
7. aktivnosti i uključivanje što većeg broja invalida u rad udruženja/fondacije;
8. obilježavanje značajnih događaja, datuma i ličnosti iz perioda odbrambeno – oslobodilačkog rata 1992. – 1995. na području Kantona Sarajevo.

## **POTREBNA DOKUMENTACIJA:**

1. uredno popunjen i ovjeren obrazac prijave (OBR.7.3.-02-01/01) koju zainteresirana udruženja/fondacije mogu preuzeti na zvaničnoj web stranici Kantona Sarajevo [www.vlada.ks.gov.ba](http://www.vlada.ks.gov.ba) i Ministarstva unutrašnjih poslova Kantona Sarajevo [www.mup.ks.gov.ba](http://www.mup.ks.gov.ba)
2. rješenje ili uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo pravde i uprave Kantona Sarajevo, koje nosilac budžetskih sredstava pribavlja po službenoj dužnosti;
3. uvjerenje o poreskoj registraciji – identifikacioni broj;
4. uvjerenje o izmirenim poreskim obavezama;
5. uvjerenje o izmirenim porezima i doprinosima za uposlenike ukoliko udruženje/fondacija ima uposlenika;
6. bilans stanja i bilans uspjeha ovjeren od strane nadležnog organa i Narativni izvještaj za prethodnu godinu;
7. izvještaj o utrošku sredstava za projekte odobrene u prethodnoj godini i
8. dokazi iz navedenih općih i posebnih kriterija.

Napomena: Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje.

## **OCJENA PRIJAVA:**

Ocjenu i pripremu prijedloga rang liste za finansiranje/sufinansiranje projekata, programa i/ili aktivnosti pristiglih na ovaj poziv izvršit će Komisija koju je imenovao ministar unutrašnjih poslova Kantona Sarajevo.

Neće se uzeti u razmatranje prijave udruženja/organizacija:

- koja ne ispunjavaju opšte i posebne uslove iz ovog poziva;
- čiji programi, projekti ili aktivnosti nisu prijavljeni na način propisan ovim pozivom,
- čije prijave su neblagovremene i
- koja nisu dostavila izvještaj o utrošku sredstava za prethodnu godinu.

#### **PODNOŠENJE PRIJAVA:**

Prijava na Javni poziv se podnosi u pisanoj formi putem pošte ili neposrednom predajom na Pisarnici Ministarstva unutrašnjih poslova Kantona Sarajevo, ul. La Benevolencije broj 16., na obrascu OBR.7.3.-02-01/01 koji se nalazi na web stranici Kantona Sarajevo i Ministarstva unutrašnjih poslova Kantona Sarajevo ili se isti direktno može preuzeti u Pisarnici.

Prijave se dostavljaju u zatvorenoj koverti na adresu:

**Kanton Sarajevo**  
**Ministarstvo unutrašnjih poslova**  
**Ul. La Benevolencija broj 16**  
**71 000 Sarajevo**

**(Komisija za provođenje procedure za dodjelu finansijskih sredstava Budžeta Kantona Sarajevo za 2019. godinu iz tekućih transfera Ministarstva unutrašnjih poslova Kantona Sarajevo – Prijava na javni poziv – ne otvarati)**

Rok za podnošenje prijave je 08 (osam) dana od dana objavljivanja Javnog poziva u dnevnim novinama.

Komisija za provođenje procedure  
za dodjelu finansijskih sredstava